



København, 25. augusti 2016

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apeqquq imaattoq saqqummiuppara:

**Naalackersuisunut apeqquq:**

- 1. Selskabit akileraarutaasa procentimik ataatsimik appaaviginerat qanoq naleqarpa?**
- 2. Ukiumut angallatinik timmisartunillu akileraartarnikkut nalikilliliisarneq 10%-imik annertussusilerneqarsimasoq, ukiumut aningaasanngorlugu qanoq naleqarpa?**
- 3. Ukiumut sanaartukkanik/illunik akileraartarnikkut nalikilliliisarneq 5%-imik annertussusilerneqarsimasoq, ukiumut aningaasanngorlugu qanoq naleqarpa?**
- 4. Ukiumut ingerlatsinermut atortunik, atortorissaarutininik aammalu atortussaannngitsunik nalilinnik pigisanik (immaterielle aktiver) akileraartarnikkut nalikilliliisarneq 30%-imik annertussusilerneqarsimasoq, ukiumut aningaasanngorlugu qanoq naleqarpa?**
- 5. Ukiumut angallatinik timmisartunillu akileraartarnikkut nalikilliliisarneq 10%-imik annertussusilerneqarsimasoq, procentimik ataatsimik millineqassappat, akileraartarnerup 30%-ip ataani selskabit qanoq atsigisumik ukiumut akileraarnerusalissappat?**
- 6. Ukiumut sanaartukkanik/illunik akileraartarnikkut nalikilliliisarneq 5%-imik annertussusilerneqarsimasoq, procentimik ataatsimik millineqassappat, akileraartarnerup 30%-ip ataani selskabit qanoq atsigisumik ukiumut akileraarnerusalissappat?**
- 7. Ukiumut ingerlatsinermut atortunik, atortorissaarutininik aammalu atortussaannngitsunik nalilinnik pigisanik (immaterielle aktiver) akileraartarnikkut nalikilliliisarneq 30%-imik annertussusilerneqarsimasoq, procentimik ataatsimik millineqassappat, akileraartarnerup 30%-ip ataani selskabit qanoq atsigisumik ukiumut akileraarnerusalissappat?**

(Inatsisartunut ilaasortaq, Anthon Frederiksen, Partii Naleraq)

**Tungavilersuut:**

Inuiaqatigiit aningaasarsiornerata iluani aningaasaliinerit siunissaq ungasinnerusoq isigalugu toqqammavilimmik aaqqissuunneqassappata pisariaqarpoq, selskabit aningaasaliinerisa isumatumik ingerlanneqarnissaannut sinaakktissanik qajannaatsunik peqarnissaq.

Sinaakktissat qajannaatsut unammilleqatigiinnermillu siuarsaasussat piginissat pingaarluinnartutut isigineqartariaqartoq isumaqarpugut.

Inuussutissarsiutit piorsaavigineqarnermikkut suli nukangasutut taaneqarsinnaasut sammineqarnerussappata, inuussutissarsiutit piorsarluakkat iluini selskabet nalilinnik pigisaasa akileraartarnikkut nalikilliliisarneq aqutigalugu atukkiisarneq atorlugu taarserarneqartut pivallaarnagit, selskabenut unammilleqatigiinnerup aqqani akileraartarnikkut sinaakkusersuinissaq pisariaqartinneqartussaasoq eqqartoqqinneqartariaqartorlu isumaqarpugut.

Inuiaqatigiinni naliinnerulersitsinermik eqqartuinitinni akileraartarnikkut nalikilliliisinaanerit suliffeqarfiullu aningaasaqarnikkut balanceata angissusaata ataqatigiinnerat ilanngullugu oqallisigisariaqakkatta ilagaat.

Ullut suliffiit qulit qaangiutinnginnerani akineqarnissara kissaatingaara.